



Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnis Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

5 Aprilis. Nonis April.

[urn:nbn:de:hbz:466:1-53527](#)

5 Aprilis. Nonis April.

Sancte Vincenti, MARIÆ amore,
lacrymarum, & prædicationis
gratiâ, doctrinâ, contra carnem, &
visibiles etiam dæmones, victoriâ
mirabilis, amabilis: cui, S. Hiero-
nymum de virginitate MARIÆ le-
genti, ac Deiparam pro puritatis
dono roganti, dæmon auditus, non
visus, dixit; se, ut tam honorato
Virginis nomine gaudeas, non pas-
surum: sed implorata, & se tibi
coram spectabilem præbens Virgo-
Mater, eam vocem dæmonis esse
dixit, qui, ajebat illa, *tibi proponit*
bonorum operum difficultatem; ut ter-
ritus, à virtute desistas. Tu autem
cautus es, & constanti animo per-
severa. Et quanquam tibi crebras
parabit insidias, ac frequenter cona-
bitur, ut periclitetur puritas tua, utque
ceteræ virtutes, qua in te sunt, cor-
ruant; tamen ne diffidas. Spera semper
in Deo; quoniam ipse erit clypeus tuus,
quo diaboli artes magnanimiter supe-
rabis. cuius nomen obscenis men-
daciis, per calumniam, traductum,
mirè defendit Deus, téque admirabi-
li & linguarum, & ad populum
dicendi, dono, ac miraculis illu-

V 6 stravit:

336 ANNI CÆLESTIS
stravit: quem S. Dominicus, è cælo
conspicuus, hortatus est ad virtu-
tem : qui matrem tuam in cælis
gaudere, divinitus didicisti : cui
dæmon, cur puellam obsedisset? in-
terroganti, respondit; ed quod illa
se Cruce non signasset, ac pulsus
est: cui ægro Christus, cum Sanctis
Dominico, & Francisco, ac Ange-
lis, apparens, reddidit sanitatem;
monuit, ut ab aulâ discederes; Ec-
clesiæ pacem prædixit; ut populo
de die Judicii concionareris, impe-
ravit; mortem felicem promisit.
Apostole, Propheta, Thaumatur-
ge; Dei, & MARIAE serve fidelis,
usque ad mortem! veni in auxilium
et mihi morienti, una cum JESU,
MARIA, SS. Dominico, & Fran-
cisco, ac Angelis. Accende mihi
cor. Ora, ut nulli sit scandalus;
plurimis verò exemplo vita mea, &
mors: ut me, ita viventem, ex hac
vitâ eximat, & vitæ æternæ det
beata mors. Amen.

S. Irene Virgo, quæ, cum sorori-
bus, nudari iusta, nullâ vi potuisti,
& cum iisdem, per Angelos, exi-
gne, è luponari, illæsa educta,
demum sagittâ percussa, ab Angelis
in cælum inducta es.

Quinque sancti martyres Lesbi.
S. Zeno,

S. Zeno, qui detractâ pelle, pice
illitus, in ignem conjectus es.

Sancti Martyres Africani , die
Paschæ, in Ecclesiâ cæsi : quorum
Lector , dum in pulpito Alleluja
cantaret, sagittâ in gutture trans-
fixus est.

Sancte Therme, & Pherbuta, e-
ius soror, quibus, unâ cum ancil-
lâ, serrâ dissectis, Deus cælum ape-
ruit.

OMNES SANCTI, &c.
pag. 320.

S. MARIA, Vincentii tui magna
consultrix, atque adjutrix : qua illum,
coram tuâ imagine orantem, cùm à
demone, ad differendam usque ad se-
nium pœnitentiam, tentaretur, ita
juvisti, ut ope tuâ demon ab illo victus
fuerit, & fugatus. Da èt mihi vir-
tutem contra hostes tuos. fac me paré-
re tuis consiliis. fac, ut faciam sanus
nunc id, quod moriens vellem à me
tempestivè factum esse in vitâ !

6 Aprilis. 8 Idus April.

Sancte Wilhelme, cui, pulcher-
rimi adolescentis specie, con-
spectus Jesus dixit: Noveris, te
multa perpessurum; sed iis, ope meâ,
superatis, ad me venies in cælestem

V 7 para-